





1372



湛然居士文集

一



Inches

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow



Red

Magenta

White


3/Color

Black



湛然居士集

四部叢刊集部



上海涵芬樓借無錫
孫氏小綠天藏影元
寫本景印原書葉心
高營造尺五寸八分
寬營造尺四寸

領中書省湛然居士文集序

士君子困而後學老乃思歸



流猶賢乎已屏山年二十有九閱

性書知李習之亦二十有九參藥山

而退著書大發感歎日抵萬松深

攻亟擊退而著書三十餘萬言內藁

心學諱太半晞顏早立亞聖生知

追繹先賢誠難倒指

湛然居士年二十有七受顯訣于萬松
其法忘死生外身世毀譽不能動哀
樂不能入湛然大會其心精究入神
盡棄宿學冒寒暑無晝夜者三年
盡得其道萬松面授衣頌目之為湛
然居士從源自古宗師印證公侯明
白四知無若此者湛然從是自稱嗣
法弟子從源自古公侯承稟宗師明

白四知亦無若此者萬松一日過其門
見執菜根蘸油鹽飯脫粟萬松曰子
不太儉乎曰圍閉京城絕粒六十日
守職如恒人無知者以至

扈從西征六萬餘里歷艱險困行役
而志不少沮躋崑崙瞰瀚海而志不
加大客問其故而曰汪洋法海涵養之
力也若乃詈聖安而成贊戲清溪而

發機行九流而止縱橫立三教而廢
邪偽外則含弘光大禦侮敵國之雄
豪內則退讓謙恭和好萬方之性行
世謂佛法可以治心不可以治國證之
于湛然正心修身家肥國治之明効
吾門顯訣何愧于大學之篇哉湛然
嘗以此訣忠告心友時無識者慨然
曰唯屏山閑可照吾心耳噫嘻雖

欲普慈兼濟天下後世末由也已嘗和
友人詩曰贈君一句直截處只要教君
能養素但能死生榮辱哀樂不能羈存
亡進退盡是無生路至于西天三步遠
東海一杯深老作衲僧未易及此使裴
公美張無盡見之當歛衽焉盖片言隻
字出于萬化之源膚淺未臻其奧者方
且索之于聲偶鍛鍊之排正如檢指蒙

學對句之牧豎望涯于少陵詩史者矣
加以志天文以革西曆翫焦桐而贊南風
在燮理為難能皆湛然之餘事或謂
萬松閣論無乃夸誕乎曰王從之雷晞
顏王禧伯尚不肯屏山閑形于論辯萬
鍛炎鑪不停蚊蚋宜乎子之難信也吾
待來者千載一人豈獨為子設耶甲午年
仲冬晦日萬松野老行秀中夜秉燭序

夫文章天下之公共言賦者自以
與賈馬爭麗則言詩者自以與
李杜爭光焰逞辭藻者不讓蘇黃
恃歌詞者輒輕吳蔡以至氣衝
雲霄而莫肯相下及其較量長短
探賾妍醜得其全者鮮矣厭人望
者鮮矣中書湛然性稟英明有

天然之才或吟我數句或揮掃
百張皆信手拈來非積習而成
之蓋出於胸中之穎悟流于筆端
之敏捷味此言言語其溫雅平淡
文以潤金石其飄逸雄拔又以薄
雲天如寶鑑無塵寒冰絕翳其照
物也瑩然向之所言賈馬麗則之

賦李杜光焰之詩辭藻蘇黃歌
詞吳蔡兼而有之可謂得其全矣
厭人望矣外省官府得居士文集
古律詩雜文五百餘首分為九卷
恐珠沉于海玉隱于山而輝彩未著
特命良工版行于世使四方士大夫
如披雲覩日快願見之心嗚呼言者

心聲也中書之言自詠物之外多以
國事歸美為章句雖稷契之忠臯
陶之嘉未易過此癸巳歲十二月
望日平水水巖老人王鄰叙

乾坤之運否之則塞泰之則通日月
之光蒙之則晦廓之則明聖人之道鬱之
則滯推之則行化而裁之謂之教神而明
之存乎人天之未喪斯文陰有所主宰亦
有所託付數不終隱待其人而益弘况乎
啓端發源於新造之初枝傾柱邪於積亂
之後以任當世之重以行衆人之難必有命世
大賢起人異行舉歷代非常之事卒前

哲未成之志與時標準卓然為吾道之倡夫
道之不明久矣去古而今情其性典謨遠
而淳風衰雅頌息而淫辭作以大學中庸為
虛位以致知格物為迂論聖門閉而不開
正路梗而莫辟加之兵革以來百餘年間宇
宙之內昏昏默默如夜之未晝夢之未寤
醉之未醒病之未藥伏陰未覩于太陽寒
谷未熙于春律黎苗之渴望未蘇黔首

之倒懸未解夫欲濟塗炭而域仁壽滌瑕
穢而鏡澄清療國脉之膏肓細天維之罅
漏草初萬有權輿百度興禮樂於板蕩之
際拯詩書於煨燼之餘黼黻皇猷經緯政
體變干戈而俎豆易荒服而不冠斲雕及
樸鑄頑成仁扇美化以風六合沛膏澤以雨
羣生教績將絕之時功畫無形之世非天下之
至神其孰能與於此哉惟我

中書湛然居士天姿英挺上智誠明著龜
其識鈞鼎其器聳四方之具瞻遇千載之
嘉會作

朝廷之翰維

社稷之楨牢籠區夏宰制山川提封不

牧之邦郡縣不毛之地正璣衡而泰階平明

曆數而靈符定開元建極盡彌綸之術驟

帝馳王入酬酢之計以唐虞

吾君為遠圖以成康吾民為己任涵養于
事業形容於文章得之心不受一塵應之手
自能三昧游戲妙場掀揭理窟運天地之
橐籥奪造化之機緘論性則窮其深源談
道則索其隱旨以聖經為根本故其文體用
而精微以史氏為枝葉故其文氣焰而宏麗盤
誥訓誓其格言詠歌比興其真義雖出師
征伐之間猶銳意經濟之學觀其投戈講藝

橫梁賦詩詞鋒挫萬物筆下無點俗揮灑
如龍蛇之肆波瀾如江海之放其力雄豪足
以排山嶽其輝絢爛足以燦星斗幹旋之勢
雷動颯舉溫純之音金聲玉振片言隻字
冥合玄幾竒變異態靡有定跡夏乎出
于見聞之外鏗錡炳燿盪人之耳目所謂造
物有私默傳真宰胸中別是一天爾蓋生
知所稟非學而能如庖下之解牛游刃而

餘地公輸之制木運斤而成風是皆造其
真境至於自然而然

公之於文亦得此不傳之妙若夫

湛然之稱不可以形尋不可以言詰其處之
也厚其資之也深靜於內為善淵演於外
為道派即其性而見其文與元氣俱粹然
一出於剛正觀夫所稱其人可知矣然則
作之者創于始亦在乎述之者成其終適有

中省都事宗仲亨最為門下之舊收錄
公之餘藁纖悉無遺今又增補雜文誠好事
之君子舉其全帙付之於

門下士高冲霄

李邦瑞協力前修作

新此本以示學者可謂兼善之用心

省丞相胡公喜

君之文揄揚溢美勒成為書中有或悞
者更加釐正命工刊行于世益廣其傳真

得仁人之雅意

省寮王子卿

李君實

許進之

王君玉

薛正之皆欣然響應共贊成之

二公承

宗公之志畢其能事同

諸君索求為序僕以兵塵中來舊學荒
廢不敢應命蓋

公之心術至曠不能盡探之于文

公之文章高致不能具陳之于序雖其文皆

公之寓言筌蹄而忘象是亦


勲業之餘蘊

公如不言則人將何述焉嘗謂雲漢為章天之文言辭可法人之文故觀乎天文以察時變觀乎人文以化成天下文之為用大矣哉今

公之為言非徒示虛文而已實救世行道之具所以柱石名教綱紀彝倫鼓舞舞士

風甄陶人物豈惟立當代之典章端可為將來之軌範於戲大禹不治水吾民憂其魚孔子不作經王道幾乎熄夫以文德開通濟物密藏諸用扶持聖道之久弊幽而復顯見天意之所屬為時求定而能樹治本遏亂源活生靈福奕世其功德無慙于先聖斯文之不墜皆公之力焉是言也非獨予之所言迺天

下之公言也歲次癸巳十有二月初吉襄
山孟攀鱗序



湛然居士文集卷之一

和黃華老人題獻陵吳氏成趣園詩

和平陽王仲祥韻

和李世榮韻

和李世榮見寄

和李世榮韻

再用其韻

又索六經

和移刺繼先韻三首

和薛伯通韻

鹿尾

過金山用人韻

過雲中贈別李尚書

和裴子法韻

和許昌張彥升見寄


和南質張學士敏之見贈七首

和張敏之鳴鳳曲韻

和孟駕之韻

和陳秀玉絲梨詩韻


和異先生韻



湛然居士文集卷之一

和黃華老人題獻陵吳氏成趣園詩

雪溪詞翰輝星斗
紙蠹塵蒙詩一首
湛然揮墨試續貂
聶孺使人難出口
十年彭澤解官去
遨遊三徑真三友
悠然把菊見南山
暢飲東籬醉重九
獻陵吳氏治荒園
成趣為名良可取
養高不肖事王侯
閑卧林泉了衰朽
今年扈從過秦川
可憐尚有蕭條柳
歸計甘輸吳子先
麗詞已後黃華手
知音誰聽斷絃琴
臨



風痛想紗巾酒嗟乎世路聲利人不知曾憶淵
明否

和平陽王仲祥韻

一聖揚天兵萬國皆來臣治道尚玄默政簡
民風純

明明我嗣君寬詔出絲綸洪恩浹四海聖訓宜
書紳逆取乃順守

皇威輔深仁貪饕致天罰長吏求良循河表皆
盟約羽檄飛邊塵

聖駕親徂征將安億兆人湛然陪

扈從書劍猶隨身翠華次平水草木咸生春冰
崑上新句文質能彬：冰雪相照映珠玉如橫陳
詩筆居獨步唐都一逸民

聖政固二三裁物惟平均綜名必核實求儒務
求真經術勿踈廢筆硯當可親竚待寰宇清
園丘祀

天神選舉再開闢仲祥當超倫一旦騰達時
獻策宜說說

和李世榮韻

聖主顯華旦熊羆百萬強兵行從紀律敵潰

自奔忙百谷朝滄海羣陰畏太陽黎民歡仰
德萬國喜觀光堯舜規模遠蕭曹籌策長魏
然周禮樂盛矣漢文章神武威兼德微猷柔
濟剛自甘頭戴白誤受詔批黃我道將興啟吾
儕有激昂厚顏懸相印否德忝朝綱佐

主難及聖為臣每願良

翠華來北闕黃鉞討南疆明德傳雙葉寬
仁洽萬方九服無不軌四海願來王兵革雖開
創詩書何可忘洪恩浮曉露嚴令肅秋霜
符應千齡運功垂萬世昌綿：延國祚燁：

受天祥多士咸登用羣生無敗戢此行將告老松
菊未全荒

和李世榮見寄

雲橫北海西駟騎來天際梅軒真可人新詩遠
相惠其聲若良金其真如芳蕙文艷理無華詞
雄言不侈筆力似黃山驚浪雲奔勢犀象牙
角新薑蜂銜尾細遙想醉銜盃梅塢清陰翳
閑散玉麒麟可得羈而係吾子卧東山誰治今
之世好陳十漸書毋用六奇計萬里入
龍庭何須嘆迢遞時方涉大川舟楫須君濟

和李世榮韻

多謝梅軒不惜春聲詩來寄格清新詞源莫
測波千頃筆力能扛鼎萬鈞憂國心情常悄
悄閑居容止自申申誰知板蕩中原後蕭洒
河東有若人

再用其韻

梅軒相別又三春別後文章與日新不忿散材
霜造化好將幽隱入陶鈞我遊北海年垂老君
卧南陽志未申遙想冰魂政無恙一枝迴施
隴頭人

又索六經

我愛平陽李世榮一番書史再鐫銘欲令吾子
窮三傳故向君家乞六經簡冊燦然新制度
文章宛爾舊儀刑莫教幼稚空相憶日求
書到鯉庭

和移刺繼先韻三首

澤民我愧無術畧且着詩鴻慰離索詩書滿
載升金山絃歌不輟踰松漠世上元無真是
非安知今是而非昨連城美玉涅不緇百鍊
真金光愈燦已悟真如匪去來自然自月次絕

憂樂斷夢還同世事空浮雲恰似人情薄
尚記吾山舊隱居松風蕭蕭瑟松花落枕流漱
石輕軒車吟煙肅月甘藜藿春山寂春溪深
蕭條庭戶堪羅雀而今不得安踈懶自笑條
籠困鷓鴣勉力
龍庭上萬言男兒志不忘溝壑

其二

當年不肯讀三略獨抱遺經伴閑索流行坎
止不尤人自甘萬里涉窮漠富貴榮華能幾
時生死都來如夢昨千年興廢漚浮沉百歲

光陰電飛爍常笑梁鴻歌五噫竊學榮啟
彈三樂未能仁義戢干戈勉將敦厚懲澆薄
近有人從故隱來黃花無恙開籬落問渠
林肉與丘糟矣如飯來而美藿人間麋鹿
滿姑蘇阿瞞不復遊銅雀涂中曳尾希莊魚
江夏沉舟悲鷓鴣禰吾山佳處歸休乎鹿逸平
林魚縱壑

其三

祖道門庭元簡略兒孫草裏添芒索擬心鷄
子過新羅起念白雲橫大漠迥殊四句有無中

元非三際來今昨大海纖塵一點飛洪爐片雪寒
光爍寧論業障本來空半偈徒誇山叔滅樂細切清
風非異事更將明月剝來薄玲瓏四面亦無門充
塞十方絕壁落羅列珍羞渠不食痴人猶自貪
藜藿祇圖龍領摘明珠誰知虎口存活雀坐
脫猶迷一色邊崎嶇鳥道一作去路橫秋鴉可笑人
間荆棘林死者填溝壑空壑

和薛伯通韻

滴：秋光溢遠山宵廬寒落酒瓶乾一作天空濶雁聲乾
詩章平淡思居易禪理縱橫憶道安不念西風

霜葉脫難禁秋雨菊花殘問山舊隱天涯遠夢
裏思歸夢亦難

鹿尾

鑿輿秋獵南岡鹿尾分甘

賜尚方濃色殷：紅玉髓微香馥：紫瓊漿

韭花酷辣同葱薤芥屑差辛類桂薑何似
檀根蘸濃液邀將詩客大家嘗一作流匙滑飯大家嘗

過金山用人韻

雪壓山峯八月寒羊腸樵路曲盤：千品競
秀清人思萬壑爭流壯我觀山腹雲開嵐色

潤松巔風起雨聲乾
光風滿貯詩囊去一度
思山一度看

過雲中贈別李尚書

誰識雲中李
謫仙詩如文錦酒如川
十畝良園君有趣
一廛薄土我無緣
舊恨常來春夢裏
新吟不到客愁邊
明朝分手天涯去
他日相逢又幾年

和裴子法韻

頃觀子法跋白蓮社圖
斥淵明攻乎異端
吾子不惑所學主張

名教真韓孟之儔亞也
昔巢由避天下而遠遁
堯舜受天下而不辭
以致澤施於萬世
名垂於無窮
是知潔已治天下
各有所安耳
夫清虛玄默樂天真而自適者
也
焦勞憂勤濟蒼生為己任者
也
二道相反甚於冰炭
使堯舜巢由易地則皆然後之
出亂臣賊子
窺伺神器
狐媚孤兒
寡婦扼其喉以取天下者
聞巢由

之風亦少知媿矣然則巢由之功豈
可少哉弃享天下之大樂而且希
物外之虛名者豈人情也邪文中
子有言虛玄起而晉室亡斯豈
莊老之罪歟蓋用之不得其宜
也以虛玄之道治天下其猶初寒
御單葛大夏服重裘自底斃
亡豈裘葛之罪哉昔晉武一統之
始不為後世之遠謀何曾已識之
既而禍難繼作骨肉相殘屠戮

忠良進用諛佞雖元凱復生亦不
能善其後矣大厦將頽非一木所
能枝獨淵明何能救其弊哉適丁
天地不交萬物不通君子道消
小人道長之時淵明見幾而作掛印
綬而歸結社同志安林泉之樂較之
躁進苟容于小人之側者何啻九
牛毛邪以淵明之才德假使生於堯
舜湯武之世又安知不與臯夔伊周
並驅爭先哉宣尼有云用之則行舍

之則藏又云進退存亡不失其正者其
惟聖人乎斯亦名教之內昭可考者
也何責淵明之深也余常謂否則卷
而懷之以簡易之道治一心達則擴而
充之以仁義之道治四海實古今之
通誼也因用子法遊姑射元韻以見
意云

達磨一派未西來無限勞生眼未開六朝繁盛

已矣耳西晉風流安在哉自笑中書老僕射

韻借用比字事佛竊做王安石公案翻騰舊葛藤

林泉准憐閑踪跡用之勲業垂千秋發揚
孔孟誰為儔舍之獨善樂真覺賦詩舒嘯
臨清流豈止淵明慕松菊晉室高賢十八九
君子道消小人用真夫遠弃利名酒蘇黃冠
世能文詞裴張二相名當時祖道禪林恣遊戲
堯風舜德甘噓吹達人不為造物役打破東西與
南北毛吞巨海也尋常出沒縱橫透空色真
如頗与犧易同不動確乎無吉凶湛然信筆書
寤語臨風遠寄綠野翁贈君一句直截處祇
要教君能養素但能死生榮辱哀樂不能

羈存亡進退盡是無生路

和許昌張彥升見寄

真人休運應千載生知神武威中邦杜絕竒技
賤異物連城玉斗曾親撞兵出潼關渡天塹
翠華雜映駒虞曠生民鼓舞嘆奚後壺將水
簞食轅門降偏師一鼓汴梁下邏騎飲馬
楊子江良臣自有魏鄭輩死諫安用干與逢
少微昨夜照平水清河國士真無雙壯歲遊
學力稽古孜孜繼晷焚蘭釭新詩寄我有
深意再三舒卷臨幽窓安得先生贊

王室委倚奚憂庶政龐堪笑紛紛匹夫勇徒
誇巨鼎千鈞扛何日安車蒲輪詔公入

北闕蒲萄佳醞爛飲玻璃瓊缸

西人蒲萄釀皆貯以玻璃瓶

和南質張學士敏之見贈七首

桃原劉鳳樓蕭鐫冰斲玉哦通霄珠璣錯落照

蘭室龍蛇偃蹇蟠霜綃和我新詩使予起却得

瓊瑰酬木李邊城千載絕知音琴斷七絃雀亦死

而今得識君安容胸中鬱結渙然空詩壇君可

據上位筆力我甘居下風筆陣文場寬且綽馳

騁看君能矍鑠學海波瀾千頃陂厭飲經書

爛該博幾時把手瀟湘邊生涯自有壺中天鳴榔
一笑舟浮蓮滄波萬里凝蒼煙

其二

漏沉、竹蕭、蒲團禪定坐終宵古廟香爐無
氣息一條白練如瓊綃性海澄、波不起宛似水壺
沉玉李庸人泥教不知歸七竅鑿開混沌死雖云
至道絕音容不離幻有成真空百尺竿頭更移
步普天匝地生清風大用全提自寬綽禪將交鋒
何矍鑠醒時呼起夢中人徧濟含生其利博本無
內外與中邊踏破威音劫外天汙泥深處種青

蓮昇平世界沉烽煙

其三

雨蕭、風蕭、對床談道徹清宵欲畫太虛無
面目慎無落筆汚水綃人間平地風波起反笑
於陵噉糟李富貴榮華都幾時迷者孰能死
前死湏彌芥子云相容神通妙用不空、劫火洞
然渠不壞紙鳧能禦毗藍風龍象騰驤何綽
、迴視駑駘空矍鑠悟時一語透塵沙安用
才學恃宏博維摩方丈傍無邊箇中無礙散花
天迴途穩、步雙蓮得玄鳥道橫晴煙

其四

院深、籟蕭、伽陀舒卷度蘭宵若解荷心繫

珠露便能天外裁雲綃大覺空生一漚起

悟斯獨有屏山李

屏山居士李之純常作楞嚴別解為禪客所重

穿透楞嚴

第一機方信菴中人不死不裏家風針不容夢

回六趣大千空道人受用本無盡明月薄剗細切

風香象明從威綽、獨跳狂獐空覆鑠悲心起

慶了無私濟度塵沙恩廣博不涉中流離兩邊

下無大地上無天無人無佛臺無蓮萋、碧石草

生芳烟

其五

雲飄、水蕭、一燈香火過閑宵神清半夜不

成夢書帷風細揚微綃運應昌期

王者起自愧文章翰杜李竊同居易了無生

誰羨葛洪學不死一榻蒲團膝足容翛然丈

室塞虛空翻騰密藏明佛日淘汰機緣振祖

風丹鳳冲霄何綽、失曉欵即徒矍鑠人間

取舍本千差世路窮通如六博幽人嘯詠水雲邊

剗外光風自一天閑來石上栽紅蓮水無波浪火

魚煙

其六

風蕭、雨蕭、蕭、蕭、風雨悲涼宵
離菊殘英湏黃
玉林風脫葉飄紅
緜幽人輾轉凌晨起
邂逅門前途短
李殷衰聞道有三仁
欲說九疇君不死
穹廬相語為從容
懸河雄辯能談空
風神蕭散野鶴立
照人玉樹臨秋風
落筆新詩一揮綽
不似武人誇矍鑠
銀鈎筆力掩二王
照夜連城肯輕博
他年相約秋山邊
秋江一派連秋天
閑聽菱女歌採蓮
輕舟一醉眠秋煙

其七

衣龍鍾髻飄蕭
穹廬停燭坐寒宵
翰林遣介贈佳句
蔓芒鳥跡書生綃
既倒狂瀾再扶起
昔有謫仙元姓李
今日

龍庭忽見君
誰道當年太白死
文章氣象難形容
騰龍翥鳳遊秋空
筆力萬鈎神鬼泣
雷轟電掣驅疾風
餘裕喜君能綽、鼓舞為君子
矍鑠解讀奇字笑
楊雄識厭張華能物博
與君握手天山邊
翠觴相囑望青天
他年雅社結白蓮
林泉杖屨衝雲煙

和張敏之鳴鳳曲韻

寫蛟螭咳珠璣英姿元棟一作占碧梧棲彬文彩
自光輝有材希晉用矢志欲劉依薦君誰肯
惜噓吹洪才大筆識君稀鯤遊翻海震鵬舉
翥天飛問渠蟾窟攀仙桂何似冥山破鉄圍人
間強認假生死世上本無真是非濃歡帶春
夢晚景嘆殘暉夢斷日沉真可笑輸却禪
人向上機遮眼開經卷蒙頭壞衲衣息念融
凡聖無心應順違震風威橫擔柳粟萬山歸

和孟駕之韻

平陽聞有鄒人孫封書上我僅萬言討論墳典

造極致商榷古今窮深源文章高出蘇黃輩英
雄不效秦儀志圖仁義濟元異比無雙瑚
璣器淪落塵埃德不孤梅軒結友天一隅我惜鹽
車困騏驎騰驤未得踏亨塗甕牖繩樞甘儉
薄飢腸雷轉充糟粕他日佳聲聞

九天富貴之來不得却丁年黃卷樂平生鄉閭
一諾千金輕滄浪清處閑濯纓才名高價如連
城筆下有神詩有眼五車書史窮編簡一舉
高登甲乙科曾對閭闔持手版
天兵一鼓下睢陽旌旗整陣堂玉石俱焚君

子隱北度來依

日月光徒步黃塵千里遠猶抱遺經究微婉

天產昂藏一丈夫三十未遇非為晚聞望卓冠儒

林叢燦然星宿羅心膏馳驟大方孰並駕絕

塵奔逸其猶龍君似昆吾玉可切錕鍔不是尋

常錢利穎神鋒人未知寶匣空開三尺雪何時

搜出蟄龍鞭一聲霹靂轟轟轉青天歲旱須君

作霖雨拔茅進用其如連

天子明堂求國棟鵬飛全藉天風送鳳池波暖

百花新詠游不作江湖夢

和陳秀玉繇梨詩韻

石門九月西風高梨出于石門之北遵化縣繇梨萬樹金垂

梢清溪秀玉道千里携贈我藤筐初發香盈包

謫仙風度清谿亞春風曾飲梨花下不用紅粧

唱採蓮醉望青天歌二雅我有斗酒清且醇同

君薦此鵝黃新初見分香剖金郊更看削玉飛

霜鱗縹葉紫條何足語夜光安可同魚目文園

塵渴政難禁咀嚼冰雪削香玉

和莫先生韻

東垣士大夫以

興王聖德詩見寄用酬雅意

運出三文兌

以太一推之而得

龍飛九五乾要荒歸化育豪哲入陶甄有幸恩涵
海無私德應天徧師收百越一鼓下三川

天子能身正元戎不自賢

重光道同軌

累聖德相聯策決九重內功歸萬乘權羣雄哀
稽顙多士喜摩肩輔弼規左右丞疑贊後前
開夷逾漢武平叛跨周宣冠蓋通窮域車書
過古堦覽機雲母障受諫翠華軒款塞諸

蠻洞來朝百濟船降王趨陛闕強虜列岷編淨
掃妖氛變潛消烽火煙詞臣遊館閣幽隱起林
泉克舜文明盛高姬禮樂全九成合古奏二雅
詠新篇世卜千年世年斯億萬年

宗親成蒂固

國祚等瓜綿

聖政輿人頌

天威萬古傳勉旃封禪事不用策安邊

湛然居士文集卷之一

湛然居士文集卷之二

和百拙禪師韻

題平陽李君實吟醉軒
從聖安澄老借書

題西菴師藏佛牙二首

和移刺繼先韻二首

過陰山和人韻

再用前韻

復用前韻唱玄

用前韻送王君玉西征二首

用前韻感事二首

過濟源和香山居士韻

和裴子法見寄

用李德恒韻寄景賢

過天德和王輔之四首

槐安席上和張梅韻

思親有感二首

思友人

贈李郡王筆

寄雲中卧佛寺照老

寄平陽淨名院潤老

贈雲川張道人

贊李俊英所藏觀音像

題西菴歸一堂

和景賢遠書韻二首

外道李浩求歸再用韻示景賢

外道李浩和景賢罪字韻予再和呈景賢

和楊居敬韻二首

過天寧寺用彥老韻二首

過天山周敬之席上和入韻二首

和人韻

丁亥過沙井和移刺子春韻二首

再過晉陽獨五臺開化二老不遠迎

過清源謝汾水禪師見訪

王屋道中

和百拙禪師

十方世界是全身氣宇如王絕比倫與奪機中
明主客正偏佳裏辨君臣眠雲卧月辞三島
鼓腹謳歌預四民了了了時誰可曉閑人元

不是閑人

題平陽李君實吟醉軒

古晉君實世所知幽軒佳號兩相宜長鯨海量
嫌甜酒彩筆天才厭小詩七步賦成文燦爛
千鍾不惜錦淋漓一作千鍾何當杖屨遊平水
得預君家吟醉時飲徹

從聖安澄老借書

湛然癡語寄西堂此箇因緣果異常陽老十
門剛結案欽公五派強分賦劍逢劍客須拈出
詩遇詩人何必藏居士病多諳藥性聖安得

效不傳方

題西菴所藏佛牙二首

殷勤敬禮辟支牙
緣在西菴居士家
午夜飛光驚曉月
六時騰焰燦朝霞
一番頂帶因初結
七轉生天果不羗
庸士執方猶未信
防風安得骨專車

又

旃檀函裏貯靈牙
來自中天尊者家
瑩色冷奪秋夜月
真光明射晚晴霞
本同舍利元無別
疑是金剛事有差
猶憶廣長舌
左右咀

嚼風雨震雷車

和移刺繼先韻二首

舊山盟約已愆期
一夢十年盡覺非
瀚海路難人去少
天山雪重雁飛稀
漸驚白髮寧寧
老未濟蒼生
曷敢歸去國
羣情幾許倚樓空
望白雲飛

又

不事王侯懶屬文
時危何處覓元勳
他年收拾琴書去
笑傲林泉我與君

過陰山和人韻

陰山千里橫東西，秋聲浩、鳴秋溪。猿猱鴻
鵠不能過。

天兵百萬，馳霜蹄萬頃，松風落松子。鬱、蒼
：映流水。天丁何事，誇神威。天台羅浮，移到
此雲霞，掩翳山重、峯巒穴。兀何雄、古來
天險阻。西域人煙，不與中原通。細路縈紆，斜復
直。山角摩天，不盈尺。溪風蕭、溪水寒。花
落空山人影，寂四十八橋橫。雁行勝遊，竒觀
真非常。臨高俯視，千萬仞，令人凜、生恐惶。百
里鏡湖，山頂上，旦暮雲煙浮。氣象山南山北

多幽絕。幾派飛泉，練千丈。大河西注，波無窮。千
溪萬壑，皆會同。君成綺語，壯竒誕。造物縮手，神無
功。山高四更，纔吐月。八月山峰，半埋雪。遙思山外，此
邊兵。西風冷，徹征衣。鐵

其二

羸馬陰山道，悠然遠思寥。青巒雲靄、黃葉
雨蕭、未可行。周禮誰能和舜韶。嗟吾浮海
粟，何礙八風飄。

其三

八月陰山雪滿沙，清光凝目眩生花。揮天絕壁

噴晴月擎海層巒吸翠霞松檜叢中疏畎畝
藤蘿深處有人家橫空千里雄西域江左名山不
足誇

其四

陰山奇勝詎能名斷送新詩得、成萬疊巖峯
巒擎海立千層松檜接雲平三年沙塞吟魂逐
一夜擅穹客夢清遙想長安舊知友能無知
我此時情

再用前韻

河源之邊鳥鼠西陰山千里號千溪何雲天險

不易過驕驪跼蹐追風蹄簽記長安五陵子
馬似游龍車如水

天王赫怒山無神一夜雄師飛過此盤雲細路
松成行出天入井實異常王尊疾驅九折坂此
來一顧應哀惶崢嶸突出峯峭直山頂連天
繞咫尺楓林霜葉聲蕭騷一雁橫空秋色寂西
望月窟九譚重嗟呼自古無英雄出關未盈
十萬里荒陬不得車書通

天兵飲馬西河上欲使西戎獻馴象旌旗蔽空
塵漲天壯士如虹氣千丈秦皇漢武稱兵窮拍

手一笑兒戲同壑山陵海匪難事剪斯羣醜何
無功騷人羞對陰山月壯歲星髮如雪穹廬
展轉清不眠霜匣開殺錕鋹鐵

復用前韻唱玄

天涯流落從征西寒盟辜負梅花溪昔年學
道頗得趣魚兔入手忘筌蹄殘編斷簡披莊子
日須當誦秋水誰知海若無津涯河伯源流
止于此人間醬在紙數重太玄強草啖揚雄高
卧蒿萊傲唐室清風千古獨王通曲者自曲直
者直何必區區較繩尺一筆劃斷閑是非萬

事都忘樂岑寂功名半紙字幾行競羨成績
書太常只知牢笑御食芻豢不思臨刃心悲惶
何如打坐蒲團上參透昇平本無象一餅一鉢
更無餘容膝禪菴僅方丈徒教人笑徹骨窮
生涯元與千聖同鳥道雖玄功尚在不如行取
無功歸來踏破滄潭月大冶洪爐飛片雪且
聽石女鳴巴歌萬里一團無孔鐵

用前韻送王君玉西征二首

湛然送客河中西西域城名也乘興何妨過虎溪清茶
佳果餞行路遠勝濁酒烹馳蹄結交須結真

君子君子之交淡如水一從西域識君侯傾蓋交
歡忘彼此當年君卧東山重守雌然元知雄
五車書史豈勞力六韜三畧無不通詩詠珠璣
無價直青囊更有琴三尺奉

命西來典重兵不得茅齋樂真寂魚麗大陣
兵成行師布置非尋常先生應

詔入西域一軍駭異皆驚惶武皇習戰昆明上欲
討昆明致犀象

吾皇兵過海西邊氣壓炎劉千萬丈先生一
展才畧窮百蠻冠帶文軌同威德洋々震天下

大功不宰方為功隱居自有東山月風拂松花
落香雪退身叅到末生前方信秤鎚元是錢

其二

先生應

詔將征西湛然送客涉深溪徘徊一舍未忍
去兵車暫駐天駒蹄猶憶今春送君子桃李
無言映流水寒暑推遷奈老何秋風革律重
來此關山險僻重復重西門雪恥須豪雄定遠
奇功正今日車書一混華夷通先生純德如矢
直詎為直尋而枉尺功成莫戀聲利場便好

回頭樂玄寂故山舊憶松千行竒峯怪石元異
常前日盟言猶在耳猿雀思怨空悲惶我擲
直鈎魚不上須信遊鱗畏龍象冥鴻一舉騰
秋空誰羨文章光萬丈道弓人作非天窮區
何必較異同語默行藏在乎我退身奚論無
成功安東幸有閭山月萬頃松風萬山雪收拾琴
書歸去來修心須要金成鐵

用前韻感事二首

稱斤甘薺賣東西誰信無人採五溪鵬異衆禽全
六翮麟殊凡獸具五蹄昔年學道宗夫子盈科

後追如流水水螫龍猶未試風雷萍泛蓬飄而至此
緼袍甘分百結重不學亂世姦人雄忘憂樂道
志不二守窮待變則通歲寒松栢蒼直摩
雲直待高千尺桃李無言蹊自成此君冷淡人
何寂生平恥與噲伍行杜門養拙安天常澤民
致

主本予志素願未酬予恐惶否塞未能交下
上何日亨通變爻象不圖上廟為三公安得
林泉叅百丈居士身窮道不窮庸人非異是
所同筆頭解作萬言策人皆笑我勞無功流

落遊荒淹歲月贏得飄蕭雙鬢雪謀生太拙
君勿唾不如嗣宗學鍛鐵

其二

金烏日之東飛西滔之綠水流長溪流波一去
不復返逐日恨無八駿蹄窮理達生獨孔子嘆
夫逝者如斯水歲不我與其奈何兩鬢星星
尚如此曩時鑿破藩垣重澤民濟世學英雄風
雲未會我何往天地大否途難通霜匣神劍蒼
龍直切玉如泥長數尺利器深藏人未知豐城
埋沒神光寂讀書一目下數行金石其心學王

常學術忠義兩無用道之將喪予憂惶有意
攀龍不得上徒勞牙角拔犀象唯思仁義濟
蒼生豈為珍羞列方丈算瓢陋巷甘孤窮鴻
鵠安與燕雀同天與之才不與地反令監子成
其功安得光明依

日月功名未立頭如雪問君此錯若為多使盡
二十四州鉄

過濟源和香山居士韻

覃懷勝遊地濟瀆垂名久忽見樂天吟笑我輸
先手麗詞金玉振老筆風雷走乘興試續貂啟

我談天口平湖湧泉注清涼瑩魚垢憑檻瞰
連漪風髯塵抖擻龍孫十萬竿蒼羽翳濃陰
厚沁水濟源東天壇王屋右秀色已可食何
須杜康酒步下絕堪詩佳篇如素有賡酬淡相
對獨有龍岡叟亭上幾徘徊斜陽西入酉晚年
歸意切對此空沉首何日遂初心營居碧林後
一作翠林

和裴子法見寄

人生都幾何半被功名役一旦燕山破西行過
千驛顛沛不違仁先難而後獲鷓鴣捐腐鼠

烏鳶其勿嚇

扈從出天山從容遊大石琴書澹相對尚未忘丘索
前歲入關中弋甲充商稀

明詔典蘭省自愧承

深責秦隴成劫灰京索空陳迹長河尚濁流南
山自濃碧把酒酌青天興亡弔今昔長安非衣
君壯年學問積天上玉麒麟英才可珍惜詩魂
素月高飲量滄海窄清談咳珠玉便腹筍經
籍服君百韻詩謝子萬言策易道已變屯世爻
當應革淮陰正虛襟左車宜籌畫須要蓮峰

手乾坤再開闢昂藏綠野翁真我龍門客

用李德恒韻寄景賢

牢落十年扈

御營瑤琴忘盡水仙聲酷思詩酒閑中樂見說干
戈夢裏驚林下因緣千古重人間富貴一錢輕
此身未退心先退獨有龍岡識我情

過天德和王輔之四首

天縱

吾君大聖人天兵所指弭煙塵三齊電掃何須
擲六國雷驅不用秦誅佞未聞曾請劍劾姦

誰宜試理輪伴食黃閣空無輔自笑龍鍾一老臣

又

六師嚴駕渡長河師不留行誰敢何千里旌旗翻
錦浪一聲金鼓震寒波殷亡誰道三仁在康滅空
傳五子歌唾手要荒歸一統漢唐鴻業未能過

又

積年叨祿領台司位重才微甚不宜地上流錢慚
晏算樽前決勝愧良帷過實聲問傳人口似直
愚忠結

主知三徑荒涼松菊在他時舍此復何之

主三又
愁老先生本素臣洪才大筆力千鈞沽名不築傳
巖板買世誰垂渭水綸舟泛五湖希范蠡晉懸
六印笑蘇秦韋編三絕耽樣易蕭散風神真
隱人

槐安席上和張梅韻

甘薺五溪人不採西京高價賣秤斤君方淪落
羞看我亦飄零懶問君人遠空殘眉上黛愁
深不整髻邊雲誰憐古戍寒窓下新樣梭成織

思親有感二首

遊子棲遲久不歸積年溫清闕慈闈囊中昆仲
親書帖篋內萱堂手製衣黃犬不來愁耿白雲
空望思依欲憑鱗羽傳安信綠水西流雁北飛

文

伶仃萬里度西陲壯歲星西鬢絲白雁來時思
北闕黃花開日憶東籬可憐游子投營晚正是
孀親倚戶時異域風光恰如故一銷魂處一篇詩

思友人

落日蕭蕭萬馬聲東南回首暮雲橫金朋蘭

友音書絕玉軫未絃塵土生十里春風別野店
五年秋色到邊城雲山不礙歸飛夢夜隨風
到玉京

贈李郡王筆

管城從我自燕都流落遐荒萬里餘半扎秋毫
裁翡翠一枝霜竹剪瓊瑤鋒端但可題塵景
筆下安能畫太虛聊復贈君為土物中書休笑不
中書

李郡王常為西廡執政

寄雲中卧佛寺照老

像教中微祖意沉盧能嫡子起予深看經不怕

牛皮透

公見閱藏故云

着眼常聽露柱吟行道權居卧佛
寺活機持異死禪心憑君摘取空華實好種人間無

影林

寄平陽淨名院潤老

昔年平水便相尋握手臨風話素心刻燭賦成
無字句按徽彈徹沒絃琴風來遠渡晚潮急雨過
寒塘秋水深此樂良教兒輩覺又成公案滿叢林

贈雲川張道人

雲川道士有詩聲刻篆雕蟲醉未醒素扇自甘贖
碧笠因西人奪笠渠以扇贖之故云玄宦不肖換黃庭春秋榮悴悲

椿木晦朔生凋笑瑞莫何似擴開真日月區燄火
任熒

贊李俊英所藏觀音像

白衣大士足滅神蓮智興悲詎可陳金色界中垂萬
臂碧蓮花上露全身鎮州鑄就金難似天竺錫
來玉木真不識觀音真面目燕吟鶯語過殘春

題西菴歸一堂

搏霄元帥築西菴于聽事之隅以舍沙門
建歸一堂置三聖廟貌屏山居士有云菴
波瀾於聖學之域徹藩籬于大方之家

其搏霄之謂乎偶得亂道韻詩錄呈諸

士大夫幸希光 和仍請西菴上人書之楹棟

間為他時林下清話張本云

三聖真元本自同隨時應物立宗風道儒表裏明墳
典佛祖權實透色空曲士寡聞能異議達人大觀
解相融長沙賴有蓮峰掌一撥江河盡入東

和景賢還書韻二首

居士今年又出閔琴書真味伴予閑簡成草畧初
無意語闕治擇誤犯顏漆水自慚貽口實龍岡却得
破詩慳衰翁幸乞贖前過一炷清香論八還

其二

淵明幽隱掩柴閨琴已忘絃人亦閑靜倚書牕獨
寄傲笑觀庭樹自怡顏五音格外聲何限百草頭邊
法不慳蠹譜斷絃無用處因風得寄書還景賢索
絃譜故

外道李浩求歸再用韻示景賢

自從一笠削透重閉觸處忘緣觸處閑莫問羔裘橫
毳衲從教華髮映蒼顏水聲說法起予甚山色呈
機不我慳寄客天涯樂如許問渠何必更南還

外道李浩和景賢霏字韻予再和呈景賢

塵緣劃斷已忘機布鼓徒敲和者稀中隱強陪人
事過禪心不與世情違昔年勲業真堪笑舊日家
山懶欲歸我愛北天真境界乾坤一色雪花霏

和楊居敬韵二首

自愧才術草芥微偶然千載遇明時唯希一統王家
義何暇重思晁氏危仁義且圖扶孔孟縱橫安宥效
秦儀行看

克舜澤天下萬國咸寧庶績熙

其二

詔下龍庭萬國歡野花啼鳥總欣然熙朝龜卜符千

億聖主龍飛第一年至道變通皆有數字生富
貴本由天誰人得似揚公子傲世高吟數百篇

過天寧寺用彥老韻二首

十年不得舞衣班行盡天涯萬里山黃閣伴食空結
首蒼生未濟漫胡顏 新朝兵革征方急舊隱煙
霞尚未還衰簿書塵滿眼衰翁奚暇謁松關

其二

今日從征亦偶然天寧遐想思懸、貪榮不得還山
去須信衰翁未苦賢

過天山周敬之席上和入韻二首

淪落天涯數十秋區、班筆早年投採薇山下慵拈
草洗耳溪邊懶飲牛振武揚威難射虎忘機絕慮
不驚鷗當年射策承明殿未必輕、輸呂籌

其二

憩馬居廼酒半醺寂寥寒館變春温未能鵬翼
騰溟海不得鴻音過雁門十里雲煙青塚暗一天風
雪黑山昏天涯幸遇知音士子細論文共一樽

和人韻

四海皇、無所歸夢竟常繞故園飛海山不羨學
居易華表留言笑令威毛落難尋蘇子節囊空

猶有老萊衣靜思二十年間事擾々紛々盡覺非

丁亥過沙井和移刺子春韻二首

科登甲乙戰文圍吾子才名予獨知
策許身心君易樂蕭曹勲業我難為
有恒得見實無憾知已相逢未忍離
携手河梁重話舊胡然羞和子卿詩

其二

行藏俯仰且隨時緼袍懷珠人未知
燕雀既群難立志鳳凰不至擬胡為
可嗟世態頻更變何奈人生多別離
莫忘天山風雪裏湛然駝背和君詩
子昨至沙井乘駝方達行在偶得隔句一聯云牛車駝傳願異相如駟馬車駝背吟詩不似竹林七賢画成有是句

再過晉陽獨五臺開化二老不遠迎

高岡登陟馬玄黃落日西風過晉陽
道士歡迎捧林菓儒冠遠近挈壺將
五臺強健頭如雪開化輕安髻未霜
誰會二師深密意趙州元不下禪床

過清源謝汾水禪師見訪

汾水禪師箇裏人林藜尋我過清源
半盂紅菓情何厚一盞清燈話細論
山水景中君得意兵戈堆裏我銷魂
他年相約雲深處松竹蕭々靜掩門

王屋道中

勝克河中號令齊神兵入自太行西
昏々煙鎖天壇

暗漠之雲埋王屋低風軟却教冰泛水一作冰寒輕還
使雪成泥行吟想像覃懷景多少梅花圻玉溪

湛然居士文集卷之二

湛然居士文集卷之三

和解天秀韻

用萬松老人韻作十詩寄鄭景賢

萬松老人真贊

贈萬松老人琴譜詩一首

寄曲陽戒壇會首大師

和王巨川韻

釋奠

和移刺子春見寄

寄移刺國寶

寄鄭景賢一十首

和景賢韻三首

和李世榮韻

和景賢一十首

和王君玉韻

過東勝用先君文獻公韻二首

過夏國新安縣

過青塚用先君文獻公韻

過青塚次賈搏霄韻

再用韻以美搏霄之德

再用韻自嘆行藏

再用韻感古

再用韻唱玄

過雲川和劉正叔韻

過雲中和張伯堅韻

過雲中和張仲先韻

過雲中和王正夫韻

過白登和李振之韻

過天城和靳澤民韻

過武川贈僕散令人

過燕京和陳秀玉韻

還燕京題披雲樓和諸士大夫韻

和威寧珍上人韻

和李德脩韻

和解天秀韻

猛士彎弓挽六鈞長驅入汴政施仁前朝運謝山

河古

聖世時亨雨露新未遇自甘焚綠綺知音不必
惜陽春

朝廷將下搜賢詔莫戀煙霞老此身

用萬松老人韻作十詩寄鄭景賢

羶廬同抵足談道月西沉議論殷香香發文章
蘊藉深正便邊氏腹不上謫仙襟自得逍遙意
何須泊鄧林

其二

豐城三尺劍神氣尚埋沉確論穿楊的生机劈筭
深天真貯便腹浩氣塞征襟佇看澤天下清
風冠士林

其三

破缸無滲漏流水不能沉霧鎖青山秀花藏
古徑溪白雲陪野興晴月洗煩襟絕後重甦息
飛花枯木林

其四

隱々三星出依々片月沉
雀飛遼海濶猿嘯楚
山深柳色雲沾袖蘆花雪滿襟
普天秋意露一葉墜梧林

其五

玄珠羅帳密寒鼎篆煙沉
翡翠踈簾隔琉璃古殿深
本來無垢體何必拂塵襟
斫却蟾中桂

方成假若林

其六

齧餌不須針聊將玉線沉
須彌猶未大渤海豈為
深悟後牛穿鼻迷時馬有襟
戈人何所慕幽鳥在蒿林

其七

箇事不容針迷徒自陸沉
西天三步遠東海一
盃深涼月盛玄鉢輕雲剪素襟
曹溪無一滴波浪沸禪林

其八

流波無放蕩死水暮平沉机盡方鈎隱綸空正
釣深赤心休惜口青眼好開襟悞捉溪中月
人人似翰林

其九

夢覺方知錯生平自屈沉滌塵千澗外遺照
亂松深柳帶縫穿屣荷衣綴破襟寂寥選佛味
何似宴瓊林

其十

漁家何足好乘興一鈎沉路僻蒼苔滑舟橫古
渡溪小晴披蓑笠微雨整蓑襟夢斷知何處

寒潮沒晚林

萬松老人真贊

昔無畫居士題恒岳廟云聰明厭血
食悔不值元珪茲因恒州四衆敦請萬
松老師師不行且以頂相付之門弟湛
然居士再拜而贊之曰

每恨恒山不逢珪老四衆同緣萬松親到

萬松老人琴譜詩一首

萬松素琴并譜予以承華殿春雷及
種玉翁悲風譜贈之

良夜沉，人未眠，桐君橫膝叩朱絃，千山皓月，和
烟靜，一曲悲風，對譜傳，故紙且教遮，具眼聲塵，
何礙，污幽禪，元來底許，真消息，不在絃邊，與指
邊。

寄曲陽戒壇會首大師

四衆飛書請萬松，不消彈指已成功，燈籠證據
真談辨，露柱豈當不耳聾，梵行細推無處所，戒
壇須信塞虛空，無為濟物誰能悉，惟有東垣月
拂風。

和王巨川韻

聖駕徂征，率百工，貌貅億萬入關中，周秦氣焰
如雲變，唐漢繁華掃地空，灞水尚存官柳綠，驪
山惟有驛塵紅，天兵一鼓長安克，千里威聲
震陝東。

釋奠

王巨川能於灰燼之餘，草創宣聖廟，
以己丑二月八日丁酉，率諸士大夫，釋
而奠之，禮也。諸儒相賀曰：可謂吾道
有光矣。是日四衆奉迎，釋迦遺像，行
城歡聲，沸々僕皆預其禮，作是詩。

以見意云

多士雲奔奠上下釋迦遺像亦行城旌幢錯落
休迷色鐘磬鏗鏘豈在鼓耳宣父素心施有政
能仁深意契無生儒流釋子無相諷禮樂因
緣盡假名

和移刺子春見寄

四海皇人是後賢浪陪扶

日上青天且圖約法三章定寧羨浮榮六印懸
潤色吾術惟恐後扶持天下敢為先過情聲
聞予深恥可笑虛名到處傳

其二

生遇干戈我不辰十年甘分作俘臣施仁發政
非無據論道經邦自有人
聖世規模能法古汚俗習染得惟新英雄已入
吾皇彀從此無人更問津

其三

且喜

朝廷先正名林泉隱逸總公卿羣雄一遇風
雲會萬國咸觀日月明丹鳳固應潛亂世
白麟自今出昇平
佇看一作快遇
顯觀

北闕垂溫詔夜半前席進賈生

其四

舉世寥寥識我誰未學弓矢愧由基衰年有幸
彈三樂

盛世無才出六奇弃物且存光

海量散材獲用荷

天私微臣自忖將何報信筆裁成頌

德詩

其五

邂逅沙城識子初天山風雪醉吟餘文章光

焯君堪羨節操儀刑我不如翹蘂鄉中前進

士渠有詩云老去惟耽翹蘂春故有是句風波堆裏老中書他年歸

去無相弃同到閭山舊白隱居

寄移刺國寶

昔年萍迹旅京華曾到風流國寶家居士為
予嘗喫素先生愛客必烹茶明窓揮麈談
禪髓淨几焚香頂佛牙回首五年如一夢中
不覺過流沙公所藏佛牙甚靈異

寄景賢一十首

龍岡能不覓淡中歡心與孤雲自在閑琴阮生涯

事松菊詩書活計老丘山叩絃聲自無中出
得句思從天外還踏破化工無盡藏閑人受
用亦非慳

其二

龍岡添水西交歡縱意琴書做老閑未得一言
安海內已輸三箭定天中肯容詩思妨心慧豈使
聲塵礙耳還信手拈來無不是清風明月有
何慳

其三

人間聚散妄悲歡何似林泉遜世閑十載殘軀

遊瀚海積年歸夢遶閭山

先人舊居也

空啗猿鶴

招予往滿駕琴書伴我還多謝龍岡憐老隱

新詩酬酢路無慳

其四

絃索詞章且助歡羨渠臨老得安閑琴歌愛
子彈秋水佳句服君仰泰山聲古調淒真可聽
辭雄韻險實難還先難後易今方省居士
襟懷本不慳

其五

宦情觸處不成歡未得浮生半日閑薦鴉有

書慚北海澤民無術愧東山琴書習氣終難
忘嵩麓荒園怎得還卜隱龍岡成老伴肯教
詩思筆頭慳

其六

廣文憐我失清歡每著琴詩伴我閑痛憶金
聲并玉振酷思流水與高山詩壇各啻猶深閉
琴債遷延未肯還一狀如今都領過龍岡須
破兩重慳

其七

琴書吾子盡出歡隨分消磨日月閑佳句典刑

傳四海水仙聲韻徹三山每慚木李投君去却
得瓊瑤報我還從此龍岡開廩藏徽邊筆
下更無慳

其八

世間何事最為歡爭似能偷忙裏閑得遇夜
晴須對月每逢春盛強登山無錢沽酒和衣
典一作和圖利吟詩倍本還綺語千章琴百曲

莫教風月笑人慳

其九

我與先生久已歡而今皆願老來閑同舟載棹

醉觀月並轡騎驢飽看山綺句綴成連譜
換純音彈了着詩還琴詩此際慵拈出可怨
龍岡為紙慳

其十

閑人閑裏竟閑觀未得迴光未是閑叩道一
螺斟巨海參玄千里望恒山但能透鏃穿三句
何必拖泥辨八還箇事人皆富有含生休怨
釋迦慳

和景賢韻三首

龍岡便腹盡詩書落筆雲煙我不如一紙安書

思塞雁十年歸興憶鱸魚託身鑿隱君謀
妙委跡儒冠我計疎何日相將歸故里翠微
深處卜幽居

其二

龍岡走筆和清篇出示珠璣寄湛然字古意
新看不足挑燈寒雨夜無眠

其三

摩撫瘡痍正似醫微君孰肯拯時危萬金
良策悟明主厚德深仁四海施

和李世榮韻

異同誰足據俯仰且隨緣居士難聯句梅軒
却解禪無雲皆皓月何處不青天話到忘言
處迨：夜不眠

和景賢十首

龍岡居士得賢君聞道賢君增所聞
即操鸚鵡捐鼠餌風神野鶴三雞羣
只知輔嗣能談易誰識相如善屬文
擬欲贊君言不盡區：微意見詩云

其二

天下竒才鄭使君清名不使世人聞
五車書笥

獨窮理三峽詞源迥出羣未得開懷重話舊
常思抵足共論文自從一識龍岡老餘子紛：不足云

其三

一聖龍飛敢擇君嗟予潦倒尚無聞
蒼生未識鴻鵠志皓首甘遊麋鹿羣
黃雀已歸奚望報彩禽飛去不能文
龍岡特慰孤窮悶時有新詩報我云

其四

試和新詩寄鄭君無言談道不聞聞
治心更

索捐中道養性渾如鞭後羣玄語諄：非是說
真書歷：不閑文儒生束教嫌虛誕得意忘
言孔子云

其五

文章自媿不如君敢以玄言瀆所聞有道居塵
何異俗無心入獸不驚羣重玄消息無多子
半紙功名直幾文回首死生猶是幻自餘何足
更云云

其六換韻

十年不過一相知恰識龍岡恨見遲常愛箕山

能洗耳何堪隣舍做顰眉榮枯貴賤難逃數
用捨行藏自有時心事紛々無處說援毫閑和
景賢詩

其七感事

萬里西來過月氏初離故國思遲：人情慚愧
三鬚而人世梳粧半額眉田上野夫空嘆鳳澤
邊漁父不傷時龍岡本具英雄眼幾倩東風
寄我詩

其八讀唐史有感

林甫滔天聖不知三郎深恨識卿遲塵中妃

子春羅襪錢上開元指甲眉七夕殿中祈巧
夜三秋原上摘瓜時長天忽見飛來雁垂淚空
吟李嶠詩

其九

李楊相繼領台司兵起漁陽禍已遲向昔正憐
花解語而今空憶柳如眉日傷桃李初開夜腸
斷梧桐半落時試問宮中誰第一三郎猶記
謫仙詩

其十

往來寒暑暗推移下手修行猶太遲迷後徒勞

常捏目悟來何必更揚眉宗門淘汰宜窮理道
眼因緣貴識時祇為龍岡心猛利湛然剛寫不
言詩

又一首

龍岡醫隱本知機薰蕕同盤辨者稀廊廟虛
名無意戀林泉夙願與心違羨君綽有餘裕
笑我皇無所歸尚憶當年垂釣處一江烟雨
靜霏

和王君玉韻

王孫蒙饋飯靈輒未扶輪自笑孤窮客誰憐

衰病身黃沙萬餘里白髮一孀親腸斷山城月
徘徊始遠人

過東勝用先君文獻公韻二首

荒城蕭洒枕長河古寺碑文半滅磨青塚路
遙人去少黑山寒重鴈來多正愁曉雪水生研
不念西風葉墜柯偶憶先君舊遊處潛然不
奈此情何

其二

依然千里舊山河事改時移隨變磨巢許家
風鳥可少蕭曹勲業未為多可傷陵變須耕

海不待碁終已爛柯翻手榮枯成底事不如歸去
入無何

過夏國新安縣時丁亥九月望也

昔年今日渡松關西域陰山有松關車馬崎嶇行路難瀚

海潮噴千浪白一作千里雪天山風吼萬林丹氣當霜降

十分爽月比中秋一倍寒回首三秋如一夢中不

覺到新安

過青塚用先君文獻公韻

漢室空成一土丘至今仍未雪前羞一作可惜水姿

自夢不禁出塞陟沙磧最浪臨軒辭冕旒幽瘞古丘佳人猶

怨半和青塚月，閑雲常鎖黑河秋。滔天整東
流水不盡明妃萬古愁。

過青塚次買搏霄韻

當年遺恨嘆昭君，玉貌冰膚染塞塵。邊塞未
安嬪侮虜朝，廷何事拜功臣。朝雲鴈啖天山
外，殘日猿悲黑水濱。十里東風青塚道，落花猶
似漢宮春。

其二

延壽丹青本誑君，和親猶未歛胡塵。穹廬自
恨殞戎主，泉壤相逢愧漢臣。玉骨已消青塚

底香魂猶遠，黑河濱。愁雲暗鎖天山路，野草閑
花也怨春。

再用韻以美搏霄之德

去歲雲川始見君，澄膏次淨無塵。山南第一
珪璋士，冀北無雙柱石臣。公領師職故云萬頃雲松斜
谷外，千竿水竹渭河濱。他年歸隱重相訪，無
影林間別有春。

再用韻自嘆行藏

箕裘家世忝先君，慚愧飄蕭兩鬢塵。自古
山河歸

聖主從今廊廟弃，愚臣常思卧隱雲。鄉外肯做行吟澤國濱，驛使不來人已老。江南誰寄一枝春。

再用前韻感古

宣尼名教本尊君，賊子于常犯蹕塵。鹿失羸秦無令主，鼎分炎漢有能臣。宋朝南渡尤天水，遼室東傾罪海濱。回首興亡都莫問，不如沉醉瓮頭春。

再用韻唱玄

重玄不惜說知君，又恐重添眼裏塵。臨濟唱中

分主客洞山言下辨，君臣持鈴普化搖。空裏垂釣華亭沒水濱，勘破這般閑伎倆。鐵林花發却前春。

過雲川和劉正叔韻

西域風塵汗漫遊，十年辜負舊漁舟。曾觀八陣雲奔速，親見三川席卷收。煙鎖居延蘇子恨，雲埋青塚漢家羞。深思籬下西風醉，誰羨班超萬里侯。

過雲中和張伯堅韻

一掃氐羌破吐渾，羣雄悉入

北朝吞自憐西域十年客誰識東丹八葉孫射
虎將軍皆建節飛龍

天子未更元我慚才畧非良器封禪書成不敢
言

過雲中和張仲先韻

致君澤民本不難言輕無用愧偷安十年潦倒
功何在三選荒涼盟已寒高下藏名思傳說
林間談道謁豐干挂冠神武當歸去自有夔
龍輔
可汗

過雲中和王正夫韻

白雪陽春寡和音誰人解聽沒絃琴詩書事
業真堪笑刀筆功名未可欽不信西天三步遠
焉知東海一杯深元來佛法無多子何必嵩山
謁少林

過白登和季正之韻

十年淪落困邊城今日龍鍾返帝京運拙不須
求富貴時危何處取名騰驥誰識孫陽驥俊
逸深思支道鷹客裏逢君贈佳句知音相見
眼偏明

過天城和靳澤民韻

西征

扈從過龍庭悞得東州浪播名琴阮因緣真有
味詩書事業拙謀生咄嗟興廢悲三嘆倏忽榮
枯夢一驚何日解官歸舊隱滿園松菊小菴
清

過武川贈僕散令人

班姬流落到而今聞道翻身入道林歌扇舞
裙忘舊業藥爐經卷半新吟閑眠白晝三五
醉靜對青松一曲琴更看他年棲隱處逢山

樓閣五雲深

過燕京和陳莠玉韻

回首親朋半土丘嗟予十稔浪西遊半生兵革
慵開眼一紙功名暗點頭下士笑予謀計拙
至人知我謂心憂再行不憚風沙惡鶴跡雲
蹤任去留

其二

君恩猶未報山丘自笑避方汗漫遊客過玉關
驚白髮要遊金谷覓蒼頭冷官待罪予為歎
陋巷居貧君不憂猶望道行澤四海敢辭沙

漢久淹留

其三

狐死曾聞尚首丘，悲予去國十年遊。崑崙碧
簪日落處，渤海西傾夫盡頭。君子云亡真我
恨，斯文將喪是吾憂。尚期晚節回

天意，隱忍

龍庭且強留

其四

餘生不得樂林丘，猶憶丁年選勝遊。幾帙殘
編聊映眼，一張衲被且蒙頭。貔貅已報西門

役柱石猶懷東顧憂，自料荒疎成弃物。菟裘
歸計乞封留

其五

空驚滄海變陵丘，白晝分明夢裏遊。除妄楔
邊重出楔，求真頭上更安頭。亨通富貴剛生
喜，苦惱悲愁強作憂。斫斷葛藤閑伎倆，繫
驢極子不須留

還燕京題披雲樓和諸士大夫韻

閑上披雲第一重，離宮木柰漢家宮。宮窓開青鎖
招晴色，簾捲銀鈎揖曉風。好夢安排詩句裏

閑愁分付酒盃中
靜思二十年間事
聚散悲歡一夢同

和威寧珍上人韻



十載西遊志已灰
南征又自大梁迴
扶持佛日慚無力
贊翊皇風愧不才
舊約未能林下去
新詩常寄日邊來
何時杖屨烟霞裏
一笑伸眉得共陪

和李德修韻

明主萬邦君
神武彫弓挽六鈞
時有逸人遊

闕下更無騷客弔
江濱衣冠師古承
殷輅曆日隨時建
夏寅厚德深仁施
萬世巍然一代典
謨新

湛然居士文集卷之三



毛

